



**Francisci Monacelli Eugubini J. U. D. Protonotarii
Apostolici, olim Ecclesiae Venusinae, ac deinde Aesinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Licentiæ acceptandi onera Missarum Formula IX.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

more, & plenè quoque tradit Panimol. *decif. 56. & decif. 85.* Ad quem effectum poterit iudex Ecclesiasticus, si velit, uti Processu Tribunalis Laicalis, fabricato ante confugium, ut respondit *Sac. Congr. Immunit. in Syracusana 16. Julii 1629. lib. 1. Decret. Paul. fol. 8. à tergo, & Sac. Congr. Episcop. Episcopo Messanen. 4. Maii 1604.* quamquam non cogatur.

6 CUM INTERVENTU, ET ASSISTENTIA PRESBYTERI. Pœnas in Gregoriana comminatas Episcopus incureret, si licentiam extrahendi delinquentes à loco immuni concederet absque deputatione personæ Ecclesiasticæ, ut notat Nicol. ubi *suprà dicto num. 36. vers. si tamen.*

10. Quæ extractio permessa est solis Episcopis, non autem inferioribus, ut deelaravit *Sac. Congreg. Immunit. in Nullius Orbitelli 23. Martii 1638. lib. 3. Dec. Paul. fol. 57. à tergo, inuò neque Legatis Apostolicis, eadem Sac. Congreg. in Bononien. 19. Augusti 1630. & 8. Aprilis 1631. lib. 2. Decret. Paul. fol. 101. à tergo.*

Licentiæ acceptandi onera
Missarum.

FORMULA IX.
SUMMARIUM.

- 1 Quando legatum missarum non est fructiferum, Legatarius non tenetur de proprio onus adimplere.
- 2 Et idem est, quando sine culpa Legatarii fructus exigi non possent, vel perirent.
- 3 Legatum animalium cum onere Missarum, debet vendi, & pretium investiri in bonis stabilibus.
- 4 Licentia acceptandi onera Missarum debet peti, & recipi ab Episcopo in scriptis sub pœna interdicti, non obstante contraria consuetudine. Legati acceptatio sine licentia est valida, & obligat ad adimplementum.
- 5 Licentia in scriptis non exigitur de substantia actus.
- 6 Licentia non requiritur pro oneribus Missarum relictis ad tempus.
- 7 Episcopus in prima oneris Missarum acceptatione, potest Missas reducere, quatenus redditus inveniat oneribus non respondere, & n. 8.
- 9 Episcopus potest reducere Missas, quando Testator illi facultatem dedit in Testamento.

N. Episcopus N.

Attentis narratis in supradicto supplici libello Nobis exhibito, & confitio per legitimas probationes, redditus Capitalis relictis per quondam N. esse correspondentes oneri suscipiendo Missarum, & Oratorem (seu Oratricem Ecclesiam) aliis jam susceptis commodè satisfacere posse ad formam Decretor. Sac. Cong. Concil. auctoritate fel. rec. Urbani VIII. editorum, & à fel. rec. Innoc. XII. de anno 1697. innovatorum (si legatum consistat in pecunia, dicatur -- in iuncto tamen Oratrici onere quamprimum dicta scuta investiendi in bonis stabilibus fructiferis, tutis, & securis, cum expressa mentione oneris Missarum, quod illis annexum reperitur, & interim deponatur penès ædem sacram sub pœna interdicti ab ingressu Ecclesiæ) petitam licentiam, legatum perpetuum prædictum acceptandi cum onere Missarum in qualibet hebdomada in eadem Ecclesia N. & ad Altare N. celebrandarum juxta mentem Testatoris, concedimus, & imperimur, cum obligatione eandem licentiam in Archivio dictæ Ecclesiæ retinendi, & nostro Cancellario unà cum supplici libello in actis registrandi. In quorum, &c. Datum, &c.

N. Episcopus, sive Vicarius Gener.
Loco ✠ Sigilli.

N. Cancellarius Episcopalis.

AD-

ADNOTATIONES.

REDDITUS CAPITALIS. Si legatum relictum cum onere Missarum consisteret in pecunia in capsa retenta, per hæredem legantis solvenda; donec non sequatur in vestimentum in bonis frugiferis, Ecclesia, sive alius locus pius, cui onus inunctum fuit Missarum, non tenetur ex propriis aliis redditibus Missas celebrari facere, ut decisum fuisse à Sac. Congr. Concilii 15. Septembr. 1657. testatur Nicol. Lucubr. can. in Addit. ad flos. verb. Missa sub nu. 10. vers. si verò.

2. Et idem dicendum venit quando fructus, sive redditus cuiusvis relictus, factis debitis diligentibus, exigi, & percipi non possent, aut sine culpa legatarii perierint, ut communiter tradunt Ricc. prax. for. Eccles. par. 4. resol. 105. Capon. discept. 154. cap. 2. num. 9. Passerin. de stat. hom. tom. 2. quæst. 187. art. 4. n. 1037. & seqq. Chripin. de visit. par. 4. §. 18. n. 11.

3. Si verò Capitale legatum consisteret in Animalibus, hæc vendi deberent, & illorum pretium investiri in bonis stabilibus vel locis Montium non vacabilibus, ut quæsito proposito respondendo, nempe — An Animalia relictæ in Testamento Ecclesiasticis personis cum onere Missarum in perpetuum, gaudere deberent privilegio fori, declaravit Sacra Congreg. Immunit. in Montis Pelusii 16. Aprilis 1652. lib. 4. Decret. Paul. fol. 180. à tergo.

PETITAM LICENTIAM. Hæc licentia pro acceptandis oneribus Missarum juxta Decreta memorata peti, & recipi debet ab Officialibus, Rectoribus, & Capitulis Ecclesiarum sæcularium in scriptis sub pœna interdicti ab ingressu Ecclesiæ ipso facto incurrendi, non obstante quacumque consuetudine in contrarium, Sac. Congreg. Concil. in Vicen. 15. Aprilis 1690. Verum si Ecclesia, Capitulum, vel Confraternitas onus inunctum Missarum perpetuarum absque licentia Episcopi acceptarent, adhuc acceptatio esset valida, & obligaret ad adimplendum; quia decreta Urbani VIII.

non continent clausulam irritantem, pro-ut ita declarasse Sac. Congr. Concil. 16. Januarii 1644. refert Pignatell. consult. 222. circa fin. tom. 4.

5. Et quod dicta licentia in scriptis non exigatur de substantia actus, sed ad illius probationem, tenet Passerin. de stat. hom. tom. 2. quæst. 187. art. 4. num. 1229. ubi n. 1233. nimis laxè, & minus tutè ratiocinio Cathedrantis eludit pœnas inflictas in eisdem Decretis contra Regulares acceptantes onera perpetua Missarum sine iuorum Superiorum licentia.

6. Item videtur vera conclusio, quod dicta licentia non requiratur pro oneribus Missarum relictis ad tempus 30. 40. vel 50. annorum, quia dicta Decreta loquuntur de oneribus perpetuis, & perpetuum non dicitur, quod non attingit tempus centum annorum, Tusch. lit. T. Concl. 38. n. 2. & 5. Passerin. lococit. n. 1235.

7. Præterea Episcopus in ipsa oneris inquisitione facienda, si inveniat redditus oneris Missarum juxta regionis morem non correspondere, poterit in mea sententia Missas moderare, & reducere; quia tunc non videtur contra dispositionem eorundem Decretorum facere, sed onus Missarum nondum acceptatum, & sic non impositum, ad æquitatem reducere: Hæcque facultas ex dictorum Decretorum ventre confurgit, nam ibi sic dicitur—Ubi de licentia pro perpetuis oneribus fuerint requisiti, in singulis casibus precipuam rationem habeant, ut redditus, qui Ecclesiis, & locis piis relinquuntur, omnino respondeant oneribus adjunctis secundum morem cuiusque Civitatis, intelligantque si in re tanti momenti desides, aut negligentes fuerint, in novissimo die se hujus prætermissi muneris rationem esse reddituros.

8. Ex his, inquam, patet, quo Sac. Congregatio in prima oneris impositione, & acceptatione Episcopos non gravat, ut eidem referant quatenus redditus oneribus invenerit non respondere, sed oneratam vult eorum conscientiam, & ipsorum eligit industriam in præscribendo tot Missas, quot redditibus respondent; & mecum sentiunt Diana resol. moral. par. 6. tract. 6. resol. 10. Nicol. lu.

Lucubr. can. lib. 3. tit. 41. de celebrat. Missar. num. 10. vers. deinde, Tondut. quest. benef. tom. 2. part. 3. cap. 162. nu. 3. Verùm hæc velim accipias sub censura ejusdem Sac. Congregationis.

9. Sicuti posset Missas reducere, quando Testator illi facultatem dedit in Testamento, Barbol. de offic. & potestat. Episcop. alleg. 29. n. 17. ubi Decretum S. C. C. allegat.

Licentiæ Ecclesiam, sive Oratorium publicum ædificandi.

FORMULA X.

SUMMARIUM.

- 1 Ratio augendi cultum Divinum, & fovendi populi pietatem, est præcipua in elargiendis gratiis.
- 2 Ecclesiæ edificari non possunt sine licentiâ Episcopi, nisi expressè per indultum Pape consensus illius suppleatur.
- 3 Episcopus licentiâ pro Ecclesiæ ædificatione, concurrente causa, non debet denegare, aliâs datur recursus ad Superiorem, qui supplet illius consensus.
- 4 Dos non requiritur de necessitate in ædificatione Ecclesiæ, sed in consecratione.
- 5 Ecclesiæ edificantur, ut in ea Missæ Sacrificium celebretur.
- 6 In Ecclesiæ ædificatione onera Missarum parce taxanda sunt, & licentiâ construendi non omnibus concedenda.
- 7 Episcopus non potest erigere Collegiâtam.
- 8 Parochus non potest impedire novæ Ecclesiæ ædificationem, quoties ejus jura præserventur, & afferuntur Decreta n. 9. 10. 11. 12. 13. & 14.
- 15 Parochiani non coguntur, sed hortantur audire Missam in Ecclesia Parochiali diebus festis.
- 16 Quæ sint jura Episcopalia enumerantur.
- 17 Ecclesia non debet habere portam, qua transitus habeatur in Domum contiguam, neque aliam servitutem passivam, quam nemo illi imponere potest sine beneplacito Apostolico.
- 18 Patrono Ecclesiæ potest Episcopus in fundatione reservare servitutem prospectus, si sit Princeps, aut aliâs benefactor insignis.
- 19 Oblationes, quæ sunt Oratoriis, seu Cappellis sitis intra Parochiam, debentur Parocho.
- 20 Fallit regula in pluribus casibus, qui adducuntur, & num. 21.
- 22 Ecclesiæ Parochial. privativè competit jus Sepulchri, aliis verò ex privilegio Episcopi.
- 23 Episcopus in concessione licentiæ pro constructione novæ Ecclesiæ debet conditionem apponere ne in solemnioribus anni festivitatibus ibidem celebretur Missa.
- 24 Ecclesia fundata auctoritate Episcopi, licet non benedicta, gaudet immunitate.
- 25 Ecclesia Cathedralis præsumitur consecrata, alia verò inferior præsumitur benedicta, si Missæ ibidem celebrentur.
- 26 Ecclesia auctoritate Episcopi benedicta, si polluitur, potest delegatione ejusdem per simplicem Sacerdotem reconciliari; si verò sit consecrata non poterit reconciliari nisi per Episcopum.
- 27 Quibus modis polluitur Ecclesia.
- 28 Ecclesia non remanet polluta nisi delicta per quæ polluitur sint publica.
- 29 Episcopus potest transferre diem dedicationis Ecclesiæ ad alium diem magis congruum.

N. Episcopus N.

Cum summa sit ratio, quæ pro pietate, & religione facit, & ad ea, quæ tendunt ad Divini cultus augmentum, proni esse debeamus: ideo attentis narratis, & aliis justis de causis animum nostrum dignè moventibus, facta prius per Orato-